

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-6347/21
Sarajevo, 13.12.2021.godine

SKUPŠTINA KANTONA SARAJEVO n/r predsjedavajućeg Skupštine

PREDMET: Odgovor na zastupničku inicijativu zastupnice Bilsene Šahman, dostavlja se;

VEZA: Vaš akt broj:01-04-40137-5/21 od 18.11.2021. godine.

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu, koju je na 44. Radnoj sjednici Skupštine Kantona Sarajevo održane dana 17.11.2021. godine, u okviru tačke Dnevnog reda "Poslanička/zastupnička pitanja, inicijative i odgovori", uputila zastupnica Bilsena Šahman.

S poštovanjem,

Prilog:

- Akt MUP-a KS, Upava policije broj:02/2-02-2-7833/21 od 02.12.2021. godine,
- Akt povjerenice Vlade KS za pitanje migranata od 10.12.2021. godine
- CD x1.



Dostaviti:

1. Naslovu;
2. Stručna služba Vlade Kantona Sarajevo;
3. a/a.




web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Uprava policije
SARAJEVO

Broj: 02/2-02-2-7833/21.
Datum: 02.12.2021. godine



MINISTARSTVO UNUTRAŠNJIH POSLOVA KANTONA SARAJEVO-Šekretaru

PREDMET: Zastupnička inicijativa zastupnice Bilsene Šahman, informacija, dostavlja se;

Veza: Vaš akt broj: 01-7-02-2-6347/21 od 24.11.2021.godine

Na 44. radnoj sjedinici Skupštine Kantona Sarajevo održanoj dana 17.11.2021.godine zastupnica u Skupštini Kantona Sarajevo Bilsena Šahman, je podnijela zastupničku inicijativu za izmjještanje migrata s ulica i raskrsnica u Kantonu Sarajevo. Navedena inicijativa je sadržala osvrte imenovane zastupnice o stanju na ulicama u Kantonu Sarajevo po pitanju prisustva i ponašnja migranata na istim, zatim konkretna pitanja o stanju migracije u Kantonu Sarajevo, te inicijativu „da Ministarstvo unutrašnjih poslova Kantona Sarajevo i Vlada Kantona Sarajevo poduzmu neophodne mјere i aktivnosti prema Ministarstvu Sigurnosti BiH i Vijeću ministara i da Kanton Sarajevo na bazi tih državnih planova i informacija, sačini plan zbrinjavanja migranata (za Kanton Sarajevo) i da im se odmah zabrani prosjačenje, uz prijetnju sankcionisanja i protjerivanja iz zemlje“.

Od Ministarstva unutrašnjih poslova Kantona Sarajevo se traže odgovori na slijedeća pitanja;

- Stanju u oblasti migracija u Kantonu Sarajevo, pregled, broj i mjesto gdje su pod kojim uvjetima zbrinuti migranti u Kantonu Sarajevo, posebno privatne lokacije;
- Poduzetim aktivnostima s ciljem izmjještanja migranata s ulica Kantona;
- Poduzetim aktivnostima s nadležnim Ministarstvo sigurnosti, IOM-om, UNHCR-om i drugim domaćim i međunarodnim organizacijama i institucijama na planu rješavanja migranata u Kantonu Sarajevo;

Kao odgovor na zastupničku inicijativu i postavljena pitanja koja su sadržana u tekstu iste, u prilogu vam dostavljamo informaciju sačinjenu u vezi predmetne inicijative.

Prilog.

- Kao u tekstu



INFORMACIJA

u vezi zastupničke inicijative Bilsene Šahman zastupnice u Skupštini Kantona Sarajevo

Na 44. radnoj sjedinici Skupštine Kantona Sarajevo održanoj dana 17.11.2021.godine zastupnica u Skupštini Kantona Sarajevo Bilsena Šahman, je podnijela zastupničku inicijativu za izmjještanje migranata s ulica i raskrsnica u Kantonu Sarajevo. Navedena inicijativa je sadržala osvrte imenovane zastupnice o stanju na ulicama u Kantonu Sarajevo po pitanju prisustva i ponašanja migranata na istim, zatim konkretna pitanja o stanju migracija u Kantonu Sarajevo, te inicijativu „da *Ministarstvo unutrašnjih poslova Kantona Sarajevo i Vlada Kantona Sarajevo poduzmu neophodne mјere i aktivnosti prema Ministarstvu Sigurnosti BiH i Vijeću ministara i da Kanton Sarajevo na bazi tih državnih planova i informacija, sačini plan zbrinjavanja migranata (za Kanton Sarajevo) i da im se odmah zabrani prosjačenje, uz prijetnju sankcionisanja i protjerivanja iz zemlje*“.

Od Ministarstva unutrašnjih poslova Kantona Sarajevo se traže odgovori na slijedeća pitanja;

- Stanju u oblasti migracija u Kantonu Sarajevo, pregled, broj i mjesto gdje su pod kojim uvjetima zbrinuti migranti u Kantonu Sarajevo, posebno privatne lokacije;
- Poduzetim aktivnostima s ciljem izmjještanja migranata s ulica Kantona;
- Poduzetim aktivnostima s nadležnim Ministarstvo sigurnosti, IOM-om, UNHCR-om i drugim domaćim i međunarodnim organizacijama i institucijama na planu rješavanja migranata u Kantonu Sarajevo;

Kao odgovor na postavljena pitanja koja su sadržana u pomenutoj inicijativi može se konastatovati da je Uprava policije MUP-a Kantona Sarajevo samostalno ali i u saradnji s drugim organima institucijama preduzela niž aktivnosti iz svoje nadležnosti koje u imaju za cilj poboljšanje stanja u oblasti migracija, što se može vidjeti iz niže navedenog teksta informacije koji bi trebalo posmatrati kao odgovor na postavljena pitanja.

Sve organizacione jedinice Uprave policije, MUP-a Kantona Sarajevo po osnovu Operativnog plana kontrolno-represivnog djelovanja policijskih službenika Uprave policije u odnosu na boravak i kretanje migranata, kao i suočavanje sa posljedicama migrantske krize u Kantonu Sarajevo, broj 02/2-112/20 od 23.11.2020. godine, po mjesnoj nadležnosti, sačinile su akcione planove kao i anekse planova ovisno o iskazanoj potrebi odnosno izraženoj problematiki u vezi postupanja sa migrantskom populacijom. S tim u vezi, u saradnji sa službenicima Ministarstva sigurnosti Bosne i Hercegovine i IOM-a, Federalne porezne uprave, Kantonalne uprave za inspekcije poslove i nadležnih općinskih inspekcija, a uz koordinaciju Operativnog tima za pitanje migranata, po mjesnoj nadležnosti, kontinuirano su se provodile i provode akcije u cilju pronalaska i sklanjanja migranata sa otvorenih prostora i privatnih objekata u Kantonu Sarajevo te stavljanja pod punu kontrolu i ograničenja kretanja istih u prihvativim centrima "Ušivak" i "Blažuj".

U tabeli broj 1. predstavljen je statistički prikaz ukupnog broja provedenih akcija, smještaja migranata u prihvativne centre kao i broj policijskih službenika koji su učestvovali u akcijama, za vremenski period od 05.01. do 31.10.2021. godine.

Tabela broj 1.

| NOSILAC AKCIJE | BROJ AKCIJA | BROJ PRONAĐENIH MIGRANATA | PRIHVATNI CENTAR | | BROJ POLICIJSKIH SLUŽBENIKA |
|-----------------|-------------|---------------------------|------------------|--------|-----------------------------|
| | | | Ušivak | Blažuj | |
| Uprava policije | 54 | 3544 | 177 | 3177 | 528 |

Napomena: Migranti koji posjeduju Potvrdu o iskazanoj namjeri za podnošenje azila su kontrolisani i isti su nastavili dalje kretanje, odnosno nisu smješteni u prhvatne centre.

Posebno treba istaći da su dana 23.01.2021. godine, u vremenu od 05.30 do 09.00 sati, policijski službenici Uprave policije MUP-a Kantona Sarajevo, uz asistenciju Službe za poslove sa strancima BiH, proveli operativnu akciju kodnog naziva **“BLAŽUJ 21”**, u kojoj je učestvovalo tristotinčeetrdeset (340) policijskih službenika Uprave policije MUP-a Kantona Sarajevo i trinaest (13) službenika Službe za poslove sa strancima BiH Terenski ured Sarajevo, koji su angažovali dva prevodioca za strane jezike.

Planske aktivnosti provedene su po naredbi Općinskog suda u Sarajevu, a pod nadzorom Kantonalnog tužilaštava Kantona Sarajevo, u privremenom prihvatom centru „Blažuj“ koji se nalazi u ulici Kamenolom broj 20, općina Iličići, gdje je tom prilikom izvršen pretres određenih objekata i bezbjednosno interesantnih lica. Prilikom pretresa objekata koje koriste migranti zatečeno je oko trihiljade (3000) lica, te je pronađeno sedamnaest (17) lica za koje su postojali podaci da su počinioci krivičnih djela u Bosni i Hercegovini i zemljama u okruženju i isti su predati pripadnicima Službe za poslove sa strancima BiH, radi preduzimanja mjera i radnji iz njihove nadležnosti, odnosno izricanja mjere protjerivanja u zemlje porijekla.

U toku provođenja navedenih aktivnosti, u blizini objekata koji su pretresani pronađeni su odbačeni predmeti koji su pogodni za nanošenje tjelesnih ozljeda (drvene poluge, metalne poluge, odvijači, makaze, skalpeli, kuhijski noževi i sl.), na koje se nije odnosila naredba za pretresanje, isti su izuzeti od strane uposlenika unutrašnjeg osiguranja prihvatom centra.

Također, kroz realizaciju operativnih planova, na području Kantona Sarajevo identifikovano je sedamdesetdvadeset (72) objekta kao što su privatne kuće, stanovi, hosteli, moteli u kojima su boravili migranti. Prema vlasnicima objekta, nadležne inspekcijske službe su poduzele mjere i radnje iz svog djelokruga rada, dok su pronađeni migranti smješteni u privremene prihvatom centre Ušivak i Blažuj. Policijski službenici u okviru propisanih nadležnosti obilaze identifikovane objekte u cilju preduzimanja mjera i radnji iz domena policijskih ovlaštenja.

Policijski službenici vršili su i vrše kontinuiran obilazak mjesta na kojima se okupljaju migranti, a koja mjesta su na osnovu pritužbi građana identifikovana kao takva, i to: autobuski terminali, autobuska i željeznička stanica, tržni centri, semafori idr. Pronađeni migranti su prevezeni i predati pripadnicima Službe za poslove sa strancima radi smještaja u privremene prihvatom centre.

Kada su u pitanju kazneno-pravne radnje migranta, u tebeli broj 2. predstavljen je statistički prikaz krivičnih djela i prekršaja u kojima su učestvovali migranti, kao i događaji koji sadrže elmente krivičnih djela i prekršaja.

Tabela broj 2.

| | UKUPAN BROJ |
|---|--------------------|
| Krivična djela počinjena od strane migranata | 78 |
| Krivična djela počinjena na štetu migranata | 28 |
| Prekršaji počinjeni od strane migranata | 1 |
| Događaj sa elementom krivičnog djela | 79 |
| Događaj sa elementom prekršaja | 21 |

Napomena: U posmatranom periodu migranti su počinili veći broj prekrašaja ali isti nisu mogli biti procesuirani zbog nemogućnosti utvrđivanja identiteta kod migranata, te su kao takvi okvalifikovani kao događaji sa elementom prekršaja.

Pored postupanja po operativnim i akcionim planovima, policijski službenici Uprave policije, poduzimali su i druge mjere i radnje iz svoje nadležnosti, a koje su se prvenstveno odnosile na zaštitu života građana i njihove imovine. Shodno navedenom, u tabeli broj 3. predstavljen je statistički prikaz mjera i radnji poduzetih od strane policijskih službenika Uprave policije MUP-a Kantona Sarajevo, za vremenski period od 05.01. do 31.10.2021. godine.

Tabela broj 3.

| | UKUPAN BROJ |
|--|--------------------|
| Kontrolisani migranti | 4804 |
| Migranti lišeni slobode | 56 |
| Migranata predati u nadležnost KTKS | 38 |

U blizini privremenog prihvatnog centra "Blažuj", nalazi se željeznička pruga po kojoj se kreću i zadržavaju migrati i uslijed čega je u nekoliko navrata došlo do saobraćajne nezgode sa smrtnom posljedicom, u kojoj su smrtno stradali migranti. S tim u vezi, policijski službenici Pete PU pokrenuli su inicijativu za edukaciju migranatske populacije o opasnostima koje nosi kretanje pometnuom prugom, a što je realizovano od strane uposlenika IOM-a. U okviru edukacije postavljene su i pismene obavijesti oko i u blizini pruge, a također, policijski službenici preventivnim obilaskom sprečavaju kretanje i zadržavanje migranata na istoj.

Tokom mjeseca Oktobra 2021. godine, u privremenom prihvatnom centru "Blažuj" od strane IOM-a organizirana je i provedena vakcinacija migranata, a u slučaju oboljenja i potrebe izolacije, uspostavljene su posebne prostorije kako bi se spriječilo eventualno širenje zaraze uzrokovane virusom „COVID 19“.

Policijski službenici nastavljaju dalji rad na poduzimanju svih mjera i radnji u okviru propisanih nadležnosti u cilju održavanja stabilne sigurnosne situacije i kontrole kretanja i boravka migrantske populacije na području Kantona Sarajevo.

Po pitanju inicijative koja je pokrenuta od strane navedene zastupnice može se konstatirati da su aktivnosti po istoj već preduzete u ranijem periodu te da je Uprava policije MUP-a Kantona Sarajevo shodno zaključcima Skupštine Kantona Sarajevo broj 15-04-2461/21 od 02.02.2021. godine, pokrenula niz aktivnosti iz svoje nadležnosti. Ove mjere koje su pokrenute od strane Uprave policije MUP-a Kantona Sarajevo se upravo odnose na zakonsko rješavanje pitanja zabrane prosjačenja uz prijetnju protjerivanja iz zemlje, te uklanjanja migranata sa ulica, gdje smo predhodno na tematskoj sjedinici kroz dostavljeni materijal ali i odgovorima na postavljena pitanja i diskusiju ukazali na probleme i ograničavajuće faktore za trajno rješenje ovog problema. Shodno tome ispred Uprave policije Ministarstva unutrašnjih poslova Kantona Sarajevo, ministru unutrašnjih poslova Kantona Sarajevo dostavljeni sljedeći akti:

- Inicijativa za izmjene i dopune Zakona o strancima i zakona o azilu broj 02/2-30/21 od 12.02.2021. godine. Ovom inicijativom se traži da se sadašnje odredbe Zakona o azilu usklade na način da se za strance, nelegalne migrante koji nisu iskazali namjeru traženja azila kao i za lica koja su podnijela zahtjev za azil, do donošenja konačnog rješenja o njihovom statusu na odgovarajući način ograniči kretanje. Takođe se navedenom inicijativom ukazuje na zaključke Skuštine Kantona Sarajevo, kojim se traži analiza provodivosti Zakonskih rješenja Zakona azilu, zakona o prekršajima i zakona o strancima, kako bi se stvorile pretpostavke da se migranti involvirani u protivpravne radnje (prekršaji i krivična djela) po ubrzanoj proceduri

mogu depotrovati iz Bosne i Hercegovine ili eventualno donijelo rješenje o protjerivanju van Bosne i Hercegovine zbog inkrimisane radnje. Naznačeno je da smo nakon završene analize donijeli zaključak da je nophodno pokrenuti proceduru za izradu prijedloga izmjena i dopuna ovih zakona koji su u nadležnosti institucija BiH. U tom smislu navedenom inicijativom smo iskazli svoju spremnost da Uprava policije i Ministarstvu unutrašnjih poslova participira u izradi prijedloga Zakona o izmjeni i dopuni zakona o strancima. Ministarsvo unutrašnjih poslova kantona Sarajevo je navedenu inicijativu svojim aktom broj: 01-7-02-946 od 16.02.2021.godine uputilo Ministarstvu za ljudska prava i izbjeglice BiH.

- Inicijativa za izmjene i dopune Zakona o prekršajima Federacije Bosne i Hercegovine i analiza prekršajnih postupaka provedenih protiv migranata broj 02/2-39/21 od 25.02.2021. godine, sa prilogom analize prekršajnih postupaka provedenih protiv migranata. Navedena inicijativa je takođe upućena Ministru unutrašnjih poslova Kantona Sarajevo nakon izvršene analize prekršajnih postupaka provednih protiv migranata. Analitički indikatori upućuju na zaključak da migranti na području Kantona Sarajevo čine brojne vrste i oblike prekršaja te da su policijski službenici Uprave policije MUP-a Kantona Sarajevo onemogućeni da pokrenu i vode prekršajni postupak prema migrantima počiniocima prekršaja obzirom da u oba Zakonom o prekršajima F BiH, predviđena načina vođenja prekršajnog postupka se moraju navesti identifikacioni podaci za počinoca prekršaja, odnosno JMBG ili broj pasoša za strane državljane. Predložene su odgovarajuće izmjene i dopune odredaba Zakona o prekršajima Federacije Bosne i Hercegovine u dijelu obavznog sadržaja zahtjeva za pokretanje prekršajnog postupka, odnosno odredbe koje obavezuju ovlašteni organ da mora utvrditi identitet počinjocu prekršaja kojeg izvodi pred sud, kao i da se izmjene i dopune odredbe koje onemogućavaju ovlaštenom organu da pokrene prekršajni postupak jer počinilac prekršaja nema pasoš ili drugi identifikacioni dokumenat.
- Informacija u vezi zaključaka Vlade Kantona Sarajevo broj 02-04-2277-1.3/21 od 28.01.2021. godine, broj 02/2-45/21 od 10.03.2021. godine, u kojoj su obrazložene aktivnosti Uprave policije Ministarstva unutrašnjih poslova Kantona Sarajevo na realizaciji Zaključka Skupštine Kantona Sarajevo broj 15-04-2461/21 od 02.02.2021. godine. Navedena informacija je dostavljena Ministru unutrašnjih poslova Kantona Sarajevo i sadrži skup mjera za hitno kadrovsко i materijalno tehničko jačanje Uprave policije, a sve u cilju efikasnijeg izvršenja poslova i zadatka vezanih za migranstku krizu.

Iz sveg naprijed navedenog je vidljivo da Uprava policije sа svoje strane preduzima sve nephodne mјere i radnje iz svoje nadležnosti na rješevanju svih sigurnosnih problema koji su izazvani migrantskom krizom, te da je inicijativa koja je upućena od strane uvažene zastupnice u velikoj mjeri realizovana, odnosno relizovana u cijelosti kada su u pitanju obaveze Uprave policije MUP-a Kantona Sarajevo.

U Sarajevu 02.12.2021.godine

Ministarstvo unutrašnjih poslova

Kantona Sarajevo

Sekretar ministarstva

n/r Gđa Nefisa Dobrača-Mahmutagić

Od: Alma Tabaković

Povjerenica Vlade Kantona Sarajevo za pitanje migranata

Datum: 10.12.2021.godine

PREDMET: Odgovor na zastupničku inicijativu broj 01-7-02-2-6347/21, dostavlja se

Poštovanom Naslovu,

Sukladno zaprimljenoj zastupničkoj inicijativi broj akta 01-7-02-2-6347/21 u nastavku ovog dopisa upućujem vam odgovor iz područja odgovornosti, ingerencija i informacijama koje posjedujem kao Povjerenica Vlade Kantona Sarajevo za migracije kao što slijedi:

- Upit broj 1 - „Stanje u oblasti migracija u KS, pregled, broj i mjesto gdje su i pod kojim uvjetima zbrinuti migranti u KS, posebno privatne lokacije“;
U mjesecu januaru 2021.godine, uslijed eskalacije sigurnosne situacije među ljudima u pokretu koji su boravili u Blažuju, Vlada Kantona Sarajevo je održala tematsku i vanrednu sjednicu na temu stanja migracija na području Kantona Sarajevo na kojoj je, između ostalih zaključaka, donijela odluku da limitira smještajni kapacitet ljudi u pokretu u dva (2) postojeća privremena prihvatna centra (PPC), Ušivak i Blažuj. Vlada Kantona Sarajevo je ograničila smještajni kapacitet u PPC Ušivak na brojku od ukupno 800 osoba dok je PPC Blažuj ograničen na limit od 1700 osoba. U proteklih sedam mjeseci (7) koliko obnašam poziciju povjerenice za pitanja migranata na Kantonu Sarajevo, svakodnevno smo zaprimali izvještaj Službe za poslove sa strancima te i međunarodne organizacije za migracije (IOM) o brojčanom stanju limitiranih smještajnih kapaciteta te putem ovih svakodnevnih izještaja uočeno je da se ovaj zaključak Vlade Kantona Sarajevo poštuje i da brojke ne prelaze dati limit u smještaju. Bitno je naglasiti da upravljanja u oba PPC-a isključivo ima Ministarstvo sigurnosti, odnosno njihova neovisna upravna jedinica Službe za poslove sa strancima sa čijim uredom Vlada KS, kroz odredena resorna ministarstva ima uspostavljenju dobru i dvosmjernu suradnju, imaju potpunu ingerenciju i odgovornost. Dalje, s obzirom da je IOM kao UN tijelo koje takođe u svom mandatu ima migracije i aktivno se bavi tim problemom u uskoj suradnji sa Ministarstvom sigurnosti, oba PPC-a su centri otvorenog tipa što za rezultat ima aktivno kretanje u i van kampa svih onih osoba koje tu i borave i koriste usluge koje su im na raspolaganju. Vlada KS je na ranije pomenutoj sjednici takođe donijela zaključak da će aktivno raditi na zagovaranju o izmještanju oba PPC iz urbanih u ruralna područja KS i u tom pravcu je održano niz aktivnosti

i sastanaka. Vlada Kantona Sarajevo je, kao jedan od pokazatelja aktivnog učešća u trajnom i dugoročnom i uskladno sa međunarodnim konvencijama koje je BiH kao država ratificiara, je učestovala u izradi Nacrta državne strategije za period 2021-2025.godine. Ovu aktivnost je direktno sprovodilo Ministarstvo sigurnosti kao nadležna institucija zajedno sa ostalim akterima na državnom i kantonalnim nivoima ali i na na nivou entiteta.


Što se tiče uvjeta o smještaju svih ljudi u pokretu koji borave unutar oba PPC-a, Služba za poslove sa strancima kao nadležna institucija zajedno i u suradnji sa IOM kao međunarodnim faktorom, osiguravaju da se sve aktivnosti izvode sukladno SPHERE standardima (više detalja na spherestandards.org).

- Upit broj 2 – „Poduzete aktivnosti s ciljem izmještanja migranata sa ulica Kantona“;
Nadležnost nad migracijama u BiH ima isključivo Ministarstvo sigurnosti a tek nedavno je i njihova upravna jedinica Službe za poslove sa strancima preuzela i upravljanje oba PPC-a na području Kantona Sarajevo.
- Upit broj 3 – „Poduzete aktivnosti sa nadležnim Ministarstvom sigurnosti, IOM-om, UNHCR-om i drugim domaćim i međunarodnim organizacijama i institucijama na planu rješavanja pitanja migranata u KS“.
 - Vlada Kantona Sarajevo je aktivno učestvovala i izradi finalne verzije Nacrta strategije za period 2021- 2025.godine iz oblasti migracija;
 - Ministarstvo za rad, socijalnu politiku, raseljena lica i izbjeglice putem svoje Službe za socijalni rad svakodnevno i uspješno surađuje sa PPC Ušivak, odnosno sa terenskim uredom Službe za poslove sa strancima u zbrinjavanju-smještanju maloljetnika bez pratnje u ZUP (Zakon o upravnom postupku). Ova aktivnost za rezultat ima činjenicu da se svi maloljetnici bez pratnje zbrinjavaju sukladno njihovim potrebama, situacijama i okolnostima i osigurava im se adekvatna pomoć iz ove nadležnosti;
 - Ministarstvo odgoja i obrazovanja je s početkom septembra 2021.godine, a u suradnji sa nadležnim terenskim uredom Službe za poslove sa strancima Ušivak, uspješno i sistemski rješilo upis djece iz ove populacije. U mjesecu septembru je u školske klupe upisano čak 63 djece od prvog do devetog razreda i tek nedavno je uspješno završen dvomjesečni pripremni period za smještanje u razrede sukladno njihovom znanju. Ovu aktivnost je ministarstvo uradilo uz partnersku pomoć međunarodnih organizacija World Vision International i UNICEF koji su dali punu podršku ovom procesu.
 - Prepoznavajući značaj imunizacije protiv COVID-19 lica iz populacije izbjeglica, migranata i tražioca azila kako na individualno tako i na javno zdravlje u Bosni i Hercegovini, kroz zajedničku koordinaciju i saradnju Ministarstva civilnih poslova u Bosni i Hercegovini, Ministarstva zdravstva Federacije BiH, Ministarstva zdravstva Kantona Sarajevo, Zavoda za javno zdravstvo Federacije BiH, Zavoda za javno zdravstvo Kantona Sarajevo (ZZJZ KS), Javne ustanova Dom zdravlja Kantona Sarajevo (JUDZKS), Međunarodne organizacije za migracije (IOM), Svjetske zdravstvene organizacije (WHO), Fonda Ujedinjenih nacija za dijecu (UNICEF) i Danskog vijeća za izbjeglice (DRC), uspješno je sprovedena vakcinacija protiv COVID-19 u privremenim prihvatnim centrima Ušivak i Blažuj. Ova aktivnost je tekuća sukladnom iskazanim interesima ljudi u pokretu koji izjave interes za vakcinacijom.

Kao dodatak, Vlada Kantona Sarajevo je u proteklom periodu, a na poziv Ministarstva sigurnosti BiH, učestovala u nizu državnih, regionalnih i drugih aktivnosti putem kojeg je svojim učešćem nastavila zagovaranje u pravcu izmještanja PPCa iz sadašnjih urbanih zona u ruralna područja Kantona Sarajevo. Dodatak tome je činjenica da su predstavnici dva (2) resorna ministarstva za unutrašnje poslove i

ministarstvo za rad, socijalnu politiku, raseljena lica i izbjeglice, a na poziv Ministarstva sigurnosti, učestvovale u studijskoj posjeti Grčkoj, odnosno lokacijama u ovoj zemlji na kojim su uspostavljeni slični PPC i stekla informacije i moguće pravce u kojem će se u narednom periodu raditi na konkretizaciji eventualnih izmještanja oba PPC-a sa područja Kantona Sarajevo.

Nadam se da sam vam uspjela odgovoriti na vaša pitanja sukladno datim nadležnostima a za sve dodatne informacije, stojim vam na raspolaganju.


~~Povjerenica Vlade Kantona Sarajevo za pitanje migranata~~